

1  
CHRISTIANI WOLFFII

REG. MAIEST. PORVSS. A CONSIL. INTIM.  
ACADEMIÆ FRIDERIC. PRO-CANCELLARII, VI ET  
IVRIS NAT. ET GENT. AC MATHEM. PROF. PVBL. ORDIN.  
PETROPOLITANI PROFESSORIS HONORARII, ACADE-  
MIÆ PARISINÆ, SOCIETATVM BRITANNICÆ  
NEC NON PORVSSICÆ SODALIS

SPECIMEN

PHYSICÆ

AD

THEOLOGIAM NA-

TVRALEM

ADPLICATÆ,

SISTENS

NOTIONEM

INTELLECTVS DIVINI

PER

OPERA NATVRÆ

ILLVSTRATAM.



HALÆ MAGDEB.

EX OFFICINA KITLERIANA, MDCCXXXIII.


Astron.

588,51

OPERA VARIAE

LIBER PRIMUS  
ACTUS PRIMUS  
SCENA PRIMA

OPERA VARIAE



ACTUS SECUNDUS  
SCENA SECUNDA

ACTUS TERTIUS  
SCENA TERTIA

ACTUS QUARTUS  
SCENA QUARTA

ACTUS QUINTUS  
SCENA QUINTA



# SPECIMEN

PHYSICÆ AD THEOLOGIAM NAT-  
TVRALEM ADPLICATÆ, SISTENS NO-  
TIONEM INTELLECTVS DIVINI PER  
OPERA NATVRÆ ILLV-  
STRATAM.

## §. I.



Quidem ad notiones perfectionum diuī-  
narum peruenimus, dum mentis nostræ  
perfectiones intuemur, easque a limita-  
tionibus liberamus, vt in finitatem, seu  
gradum summum consequantur: nemo  
tamen est, quin serua vsus animi atten-  
tione fateatur, notiones istas, etsi sua  
gaudeant claritate, nec prorsus confusæ existant, adæqua-  
tas haud quaquam esse.

A 2

§. II.

§. II.

Rationem ipsa notionum indoles alibi a Dn. Præsīde explicata suppeditat. Non distincte nimirum percipimus notas, quibus perfectiones diuinas a perfectionibus aliorum spirituum, ex gr. mentis nostræ, discernimus: cum enim infinita inuoluant, mens ad eas attendens confundatur omnino necesse est.

§. III.

Quia tamen opera naturæ perfectiones diuinas, quarum intuitiua cognitione destituimur, tanquam in speculo repræsentatas exhibent: si eadem rimemur, fieri sane potest, vt notiones notarum, quas modo memorauimus, distinctæ quodammodo euadant, sicque aliquid infinitatis, qua animos nostros perplexos reddunt, comprehendamus.

§. IV.

Nobis quidem exemplo intellectus diuini id edocere in præsentī propositum est, tum vt ad naturæ contemplationem eorum animos inflammemus, quibus DEI cognitione nihil prius est, nihil antiquius; tum vt euidenter ostendamus, quomodo in scrutanda natura versari debeat ab ea in Auctorem eius adscensurus.

§. V.

*Intellectus diuinus* est repræsentatio omnium possibilium simultanea & distincta, aut, si mauis, adequata. In eo scilicet conuenit cum intellectu humano, aliorumque, qui vel actu dantur, vel dari saltem possunt, spirituum, quod sit actus, quoabilia repræsentantur, seu tanquam præsentia exhibentur. In eo autem differt, quod in DEO re-  
præ-

præsententur *possibilia omnia*, & quidem *simul* atque adæquate.

§. VI.

Ad hanc intellectus diuini notionem quomodo perueniatur, ex iis patet, quæ paullo ante (§. I.) diximus. Nimirum experimur in nobis *vim possibilia representandi*, quam *intellectum* vocamus; sed eam duplici limitatam ratione, cum respectu obiecti materialis, tum formalis. Illud enim quod attinet, non omnia possibilia, sed aliqua saltem nobis repræsentare valemus; alterum quod attinet, possibilia nobis repræsentamus successiue, pauca distincte, multa confuse, plurima obscure: quæ quidem intelliguntur & probantur per ea, quæ in tractatu germanico *von den Kräfte des Verstandes*, & in commentatione de methodo mathematica elementis latinis matheseos vniuersæ præmissa (§. 4. seq.) tradidit Dn. Præses. Agedum itaque! missas faciamus limitationes istas, & *possibilibus quibusdam* substituamus *omnia; successiuitati, simultaneitatem; obscuritati, claritatem; confusioni, distinctionem*: ita notio intellectus imperfecti seu limitati degenerabit in notionem summe perfecti vel illimitati, quæ est notio diuini.

§. VII.

Non illa destituitur sua claritate: sufficit enim ad intellectum diuinum ab humano, omnique possibili alio distinguendum, quia notiones claras habemus tum repræsentationis distinctæ & adæquatæ, tum simultaneitatis, tum (sit venia verbo) omnitatis.

## §. VIII.

Nec confusa quoque est; sed in distinctarum numero continetur: notas enim, quibus intellectum infinitum a finito distinguimus, recensere valemus, omnitatem scilicet, simultaneitatem, & distinctionem in percipiendo. Neque est dubium, tribus istis notis comprehendi, quicquid discriminis inter intellectum diuinum atque finitum quemcumque alium intercedit.

## §. IX.

Ab adæquatarum tamen numero procul abest: non enim distincte in eadem euoluuntur possibilitium omnitas, simultaneitas, & distinctio in percipiendo; quin potius multa in his notionibus inuoluuntur, quæ non clare perspicimus, nedum distincte cognoscimus.

## §. X.

Maior adeo lux affunditur notioni nostræ, si distinctius explicetur, *quantus sit possibilitium numerus; quid sibi velit distincta eorumdem representatio, & quamnam vastitatem requirat simultaneitas*: id quod obtinebimus naturæ opera attenta mente scrutati.

## §. XI.

Cum vniuersum, quod intueri nobis datum, sit series possibilitium tam simultaneorum quam successiuorum inter se connexorum: per contemplationem naturæ numerum possibilitium quodammodo determinaturis respiciendum est tum ad *simultanea*, h. e. ad ea, quæ vna in Vniuerso existunt; tum ad *successiva* siue ea, quæ in eodem se inuicem  
in

insequuntur. In vtrisque habenda est ratio tam corporum totalium, quam partialium.

§. XII.

Corporum totalium, ex quibus Mundus componitur, numerum immensum ignorauerunt veteres: quem telescopiorum vsus, & Copernici ipsiusque adseclarum in eruendo vero mundi systemate industria, in apricum demum produxit.

§. XIII.

Præter Solem & Lunam nudo oculo obseruantur ex Erronum numero Saturnus, Iupiter, Mars, Venus & Mercurius: fixas vero nudis oculis conspicuas *Ioannes Hevelius*, qui inter obseruatores visus acumine parem vix quemquam habuit, in *Prodromo Astronomiæ fol. 119.* numerat 1888.

§. XIV.

Per telescopia quatuor circa Jovem a *Mario & Galileo*, quinque vero circa Saturnum ab *Hugenio & Casino* detecti sunt planetæ secundarii. Fixarum vero, quæ per hæc instrumenta deprehenduntur, numerum inire nemo mortalium valet. Sane *Hevelius* loc. cit. *Stellarum*, inquit, *nudo oculo inuisibilia & solummodo telescopiorum beneficio deprehensibilia, sunt profecto innumerabiles, non solum in via lactea & inter sidera informium, sed undique in toto cælo, nec non in ipsis asterismis, sicuti quilibet vel minimo tubo optico experiri potest: quo tamen præstantiorem & longiorem adhibuerit, eo distinctius & plures diuersissimæ magnitudinis cognoscet.* In nebulosa nimirum *Orionis* telescopio mediocris notæ

21, in nebulosa præsepis 36, in Pleiadibus plures quam 40 *Galileus* distinxit, & idem intra quatuor graduum quadratorum spatium in *Orione* plures quam 500, in integro sidere *Antonius Maria Schyrlaus de Rheita* fere bis mille numeravit. *Hugenio* stellam mediam in ense *Orionis* inspicenti pro vna duodecim sese obtulerunt. Quæ olim nebulosæ existimabantur stellæ, ipsaque via lactea innumerarum stellarum congeries per telescopia intuenti comparent; id quod inter veteres coniectando adsecuti fuerant *Democritus apud Plutarchum* de placitis Philosophorum libr. 3, c. 1. & *Ptolemeus* in *Almagesto* lib. 8. c. 2.

#### §. XV.

Nostro ævo dubio carere videtur, quod a veteribus nonnullis obscurius indigitatum apud *Plutarchum* loc. cit. lib. 2. c. 13. apertius docuit *Jordanus Brunus* in libro de infinito & innumerabilibus, fixas scilicet totidem esse soles ac tot esse systemata planetaria, quot dantur fixæ, hoc est innumera. Quamuis enim hoc *Bruni* dogma ex principiis opticis impugnaverit *Keplerus* in *Epitome Astron.* lib. 1. part. 2. pag. 3. sqq. in *Elementis tamen Astronomiæ* §. 928. ostendit Dn. Præses, virum summum a solita sagacitate hac in re defecisse, etsi vltro largiamur, in eo a veritate aberrari, si systemata planetaria nostro similia circa quamlibet fingantur: quemadmodum colligere licet ex iis, quæ *David Gregorius* de diuersa fixarum magnitudine adparente in *Elementis Astronomiæ physicæ & geometricæ* lib. 2. prop. 21. fol. 160. adnotauit.

#### §. XVI.

Quod si probabili aliquo calculo ex hætenus dictis  
nu.



numerum aliquem corporum mundi totalium determinare libuerit, quem ob magnitudinem admiremur, iusto tamen minorem esse haud diffiteamur: ita mihi procedendum videtur. Sumo cum *Ricciolo* in *Almag. nouo* lib. 6. c. f. 413. integrum *Orionis* sidus occupare in cælo gradus quadratos proxime 500. Quare cum vi observationis *Galileanae* (§. 14.) in spatio 4 graduum per telescopium adpareant stelle 500. erunt in toto *Orione* stellæ 62500; si singulos gradus stellis similiter confertos supponamus. Jam cum peripheria circuli maximi sit graduum 360, adeoque diameter 115: reperietur per notissima *Archimedis* theoremata integra sphaeræ superficies 41400 graduum quadratorum. In hypothesis itaque superficiei sphaeræ mundanæ stellis similiter confertæ, erit fixarum numerus 5175000. Etsi autem non omnia circa fixas systemata planetaria sunt similia (§. 15.) id tamen non obstat, quo minus interim ponamus, quamlibet fixam instar solis nostri suo lumine ac calore fovere planetas numero quindecim: quo admisso numerus corporum mundi totalium prodibit 77625000, quem, vtut ingentem, a vero adhuc procul abesse nobis vtique persuasum est.

§. XVII.

Duas adsumimus in calculo nostro hypotheses, nempe 1. singula quatuor graduum spatia exhibere per telescopium cælum contuenti stellæ 500. 2. omnia systemata planetaria esse ex sole vno, planetis quindecim composita. Vtrumque demonstrari nequit, probabilitate sua tamen non caret. Etsi enim quædam in cælo deprehendantur spatia, in quibus pauciores stellæ occurrunt per tubum intuenti, quam in istis quatuor gradibus quadratis *Orionis*: sunt tamen

B

et-

etiam tractus insignes, vbi multo plures deprehenduntur. Testem adpello viam lacteam vna cum stellis nebulosis. Deinde cum supponimus, omnia systemata ex sole vno & quindecim planetis componi, non maiorem in ea similitudinem concipimus, quam in ipsis corporibus totalibus & partialibus eiusdem generis notamus.

### §. XVIII.

Cogitandum præterea, vastis admodum interuallis a se inuicem distare corpora totalia. Ex celeberrimi Astronomi, *Ioannis Dominici Casini* obseruationibus distantia mediocris terræ a sole est 22000 semidiametrorum terrestrium, seu 18920000 miliarium Germanicorum, vi parallaxeos 10 scrupulorum secundorum, quam etiam summus in Britannia obseruator *Flamstædius* probat, nec iusto maiorem esse pro certo habemus: quare cum distantia terræ a sole sit ad distantiam Saturni ab eadem vt 2 ad 19 distantia Saturni a sole reperitur miliarium 179740000. Porro ob rationem diametri telluris, quæ est 1720 miliarium Germanicorum, ad diametrum annuli Saturni vt 1 ad 45 in elementis Astronomiæ Dn. Præsidis §. 829. stabilitam, diameter huius annuli est 77400 miliarium Germanicorum: vnde distantia vltimi satellitis Saturni a centro sui primarii, quæ per obseruationes *Cassini* ad diametrum annuli rationem decuplam sesquialteram habet, est 812700 miliarium Germanicorum. Eam si distantia Saturni a sole addideris, prodibit semidiameter systematis planetarii, in quo Tellus locum habet 180552700, adeoque diameter 36115400 miliarium, quæ multo prodiret maior, si parrallaxi solis sex scrupulorum secundorum clarissimi apud Gallos Astronomi *Philippi de la Hire* vti libuisset.

§. XIX.

§. XIX.

Ingens admodum spatium inter fixas primæ magnitudinis & Saturnum intercedere extra omne dubium positum est per ea, quæ in Elementis Astronomiæ §. 921. tradidit Dn. Præses. Quamobrem, licet non desint rationes, quæ suadeant, systemata planetaria diuersæ esse magnitudinis; compages tamen eorum iusto haud quaquam euadet maior, si eadem æqualia ponamus. Multiplicemus ergo cubum diametri systematis planetarii per numerum fixarum supra repertum (§. 16.) qui prodit numerus exprimit cubum diametri spheræ omnia systemata comprehendentis, quæ a nobis per telescopia ordinaria dedegi posse probabile est. Enimvero ne multiplicatio nimis molesta fiat, ad contrahendos numeros sumamus diametrum systematis planetarii in diametris terrestribus, quæ secundum hypotheses præmissas reperietur 209904 cuius cubus 92483305005195264 ductus in 51750000 producit cubum diametri spheræ systemata obseruabilia adæquantis 4786011034018854912000000 diametrorum terrestrium, quarum vnaquælibet est 50884480000 miliarium cubicorum. Vnde haud difficulter intelligimus, quam stupendus proditurus sit numerus, si cubus modo repertus per hunc numerum posterioram multiplicetur, vt idem in miliaribus cubicis habeatur.

§. XX.

Equidem hinc clare intelligitur, quam vastus esse debeat intellectus, vt omnia ista systemata vna capere possit, præsertim si perceptio distincta fuerit: quo tamen varios perfectionum gradus, quibus intellectus differre possunt,

distincte percipiamus, & inde quodammodo infinitatem intellectus diuini adumbremus, non inconsultum videtur, vt calculis ante positis in rem nostram vtamur.

### §. XXI.

Comparemus itaque inter se gradus perfectionis duorum intellectuum, quorum vnus nonnisi tellurem nostram, alter vero integrum systema planetarium vna distincte capere possit. Cum extensiones intellectus sint vt magnitudines spatiorum, in quibus numerus perceptibilium magnitudini proportionalis vna distincte perceptorum; sphaerae autem habeant rationem duplicatam diametrorum: intellectus, qui nonnisi tellurem nostram vna distincte capit, erit ad intellectum, qui integrum systema planetarium vna distincte capere potest, vt 1 ad 92483305005195264, hoc est in-

I

tellectus illius erit intellectus huius nonnisi 92483305005195264 seu fere particula trillionesima. Eodem modo patet, quod intellectus, qui tellurem integram vna distincte capit, sit ad intellectum, qui omnia systemata observabilia vna distincte capere potest, vt 1 ad 478601103401885491200000 hoc est, quod ille sit huius nonnisi

II

478601103401885491200000 seu duabus particulis quadrillionesimis æqualis.

### §. XXII

Videamus jam quomodo intellectus humanus se habeat ad duo intellectus genera modo determinata, quæ infinitis adhuc interuallis a perfectione intellectus diuini ab-

sunt,

15203

sunt, quemadmodum mox docebimus. In Elementis Dioptricæ Dn. Præsidis obseruatum est §. 395, quæ ab oculo valente, qui neque in presbytarum, neque in myopum numero habetur, distincte videntur, octo digitorum interuallo distare debere. In Elementis Opticæ §. 223. demonstratum est, quæ oculus uno obtutu comprehendit, intra ambitum anguli recti contineri. Quare cum ex elementis demonstrari possit (quod hic ob figurarum defectum facere prohibemur) diametrum obiecti sub angulo recto visi esse distantia duplam: erit diameter obiecti uno obtutu distincte comprehensi sedecim digitorum. Vis vero visiva in præfenti negotio æquatur vi perceptiua: vnde mensuram extensionis intellectus humani habebimus, si sumamus eum esse vt cubum diametri sedecim digitorum, hoc est, vt 4096 digitorum cubicorum.

§. XXIII.

Vir merito suo celeberrimus *Ioannes Dominicus Cassini* iussu Regis diametrum telluris dimensus reperit 39391077 pedum seu 472692924 digitorum. Erit ergo diameter sphaeræ metientis capacitatem intellectus humani ad diametrum telluris vt I ad 29543308, consequenter intellectus humanus est ad eum, qui integram tellurem vno obtutu distincte capit, vt I ad 257856074311206674112, hoc est ille

I

huius non nisi 257856074311206674112 seu fere quadraginta particulis quadrillionesimis æqualis. Intellectus eius, qui vno obtutu tellurem distincte capit, est ad intellectum, qui totum systema planetarium comprehendit in ratione subtrillionesima (§. 21.): humanus ergo eiusdem intelle-

B 3

ctus



quæ intellectui humano conuenit. Nempe linea diuidenda est in partes mille: millesima in particulas alias mille harum millesima denuo in mille, iterum harum millesima in mille; donec scilicet subdivisio partis millesimæ in mille; ter decies iterata fuerit: quod si tandem vltima millesima particula, quæ ex tot iteratis subdivisionibus prodit, in 12500 diuidatur, prodibit illa particula intellectus humani index.

§. XXV.

Plura omnino, quidni infinities plura systemata planetaria tantur, quam a nobis obseruari possunt. Ex quo intelligitur, quam vastus esse deberet intellectus diuinus, si sola actualia simultanea non magis distincte caperet, quam nos sphaeram capacitatis nostræ supra §. 22. definitam. Actualia vero minima pars eorum sunt, quæ fieri possunt.

§. XXVI.

Mortalium perspicacissimus *Gothofredus Guilielmus Leibnitius* in præclaro Theodiceæ opere adsumit, non probat, plures mundos esse possibiles: id quod nos ita ostendimus. Contingentium opposita absolute spectata non inuoluunt contradictionem v. g. non absolute impossibile est, vt eo die quo Halæ cælo sereno fruimur, pluat: concipii enim potest talis caussarum nexus, quo non inuito pluuiam serenitati substituere licet. Etsi autem nexum istum longius prosequi nobis non detur: ex contingentium tamen indole, alibi distinctius explicanda, haud obscure sequitur, eundem & quod præterita attinet, & futura, immo & præsentia, esse debere infinitum, aut, si mauis, indefinitum. Quoniam itaque series plurium possibilium tam simultaneorum, quam  
suc.

successiuorum inter se connexorum mundus est (§. II.) plures mundos posibles esse patet. Vnde iam respectu nude possibilem intellectus diuini capacitas vltra eam, quæ actualibus comprehendendis sufficit, extendenda erit in ratione numeri mundorum possibilem ad vnitatem.

### §. XXVII.

Numerum hunc maiorem esse, quam qui a nobis comprehendendi possit, non diffitebitur quicumque naturam contingentium intimius perspexerit. Contingentium scilicet variationes tum ratione temporis, tum ratione spatii infinitæ sunt. Singulæ autem variationes, quamprimum tempore ac loco definiuntur, pro parte quadam vniuersi cuiusdam peculiaris habendæ sunt: id quod præsentis instituti ratio vltius probari nequaquam permittit. Patet inde, vel hoc solo respectu Intellectum diuinum infinita perfectione superare eum, qui omnia actualia vna obtutu comprehenderet: a quo quod infinitis adhuc interuallis distet humanus, ex superioribus fit manifestum

### §. XXVIII.

Hæc quidem infinitas ex contingentium indole elucescit: sed non minorum lucem absolute necessaria eidem affundunt, quæ mathematicorum considerationi subsunt, & in quolibet mundo possibili eadem sunt, cum contra in quouis variant contingentia. Quam infinitæ hic sese offerant infinitarum serierum series; quam infinitæ infinitorum generum figurarum familiæ; non ignorat, qui sublimiora matheos vel primis labris degustauit. Ex. gr. Cuiuslibet numeri dantur radices irrationales infinitæ, quarum vna-  
quæ-



quæq; per infinitas fractionum series infinitis modis exponi potest, ab intellectu finito nullo comprehendendas, qui non nisi aliquas seriei partes indagare valet. Præterea infinitis modis exhiberi possunt series numerorum infinitorum, siue integrorum, siue fractorum, numero cuicumque dato æquales. Immo cuiuslibet numeri dantur valores numero infiniti per communes Arithmeticæ operationes ex numeris finitis compositi. Cum adeo vnus numerus infinities infinita contemplanda exhibeat: quantus esse debeat intellectus, qui infinitorum numerorum symptomata, non sine infinitate intellectus comprehendenda, vno obtutu capit, quiuis facile intelligit. De curuis ex Geometria breuitatis gratia nihil adiicimus.

### §. XXIX.

Ceterum tam curuæ, quam numeri eundem præstant vsum in diuersis perfectionum intellectuum possibilibus gradibus determinantis, quem nobis supra corporum mundi totalium ipsorumque systematum planetariorum pluralitas præbuit. Immo, qui iudicii mathematici acumine pollet, multo euidentius per numeros & figuras consequetur, quod supra per entium realium contemplationem docere adgressi fuimus. Specialiora in medium proferri breuitatis studium prohibet.


### §. XXX.

Antequam tamen ad alia digrediamur, difficultati cui-dam satisfaciendum est, quæ rectum numerorum & figurarum in præsentis negotio vsum morari posset. Videriscili-

C

cet

cet poterat, eam esse vim intellectus humani, ut infinita, immo infinities infinita capere possit. Nimirum in seriebus illis, quas infinitas speciali ratione adpellant Geometrae moderni, capimus progressum in infinitum. Ex. gr. si quadratum diametri sit I, & terminus seriei primus A, secundus B, tertius C, &c. ostendi potest, seriem pro circulo esse,



& sic infinitum. Hic nobis uidemur infinitam seriem vno obtutu comprehendere. Enimvero si rem curatius pensitemus, patebit, nos non ipsam seriem quæ infinita est, sed legem progressionis in infinitum, quæ finita notione absoluitur, capere. Qui enim ipsam seriem comprehendit, singulos sibi terminos, ex quibus constat, vno actu præsentis exhibet, singulorumque notas, quibus vnus ab altero distinguitur, discernit: at qui legem progressionis in infinitum percipit, nonnisi similitudinem ortus termini sequentis ex proxime antecedente symbolice sibi repræsentat, quæ his verbis exprimitur: *Terminus sequens est factum ex precedente in fractionem, cuius numerator est numerus impar, proxime sequens numeratorem antecedentis termini, denominator vero producitur ex numero pari & impari, in serie numerorum naturali numeratorem presentis termini proxime sequentibus.* Eodem modo res se habet, si ope signorum numerorum indeterminatorum infinita vno obtutu comprehendenda exhibemus, veluti dum vna æquatione algebraica infinitarum curuarum specie differentium indolem representamus. Tum enim curuas infinitas simul comprehendit, qui singulas per ideas proprias vna  
sibi

sibi sistit præsentem, easque a se inuicem discernit: analysta vero similitudinem notarum characteristicarum, quibus infinitæ curvæ discernuntur, per symbola sibi repræsentat.

§. XXXI.

Quod si ad corpora partialia in Vniuerso cum actuali, tum in possibilibus descendimus: numerus tam actualium, quam nude possibilium augetur non in ratione numeri specierum, sed indiuiduorum; immo in ratione numeri eorum, quæ in his a se inuicem distinguimus. Quam stupendus esse debeat horum numerus, cuiuslibet statim obuium est. Quot enim folia, quot gemmas vnica habet arbor? quot fibras, quot vtriculos habent radix, truncus atque rami? quot ergo habebunt omnes vna in Vniuerso existentes? Quot quæso ovula deprehenduntur in pisce vno? quot ergo in omnibus, in aquis vniuersi natantibus? Ex quot quæso partibus componitur corpus vnus animalis, vnus hominis? ex quot fibris vnicum ex visceribus, musculus vnus, os vnicum coagmentatum? Quot ergo erunt partes, quot fibræ in omnibus animantibus, cunctisque hominibus vniuersum incolentibus? Singula autem multiplicari in intellectu diuino ratione mundorum possibilium, ex ipsa eius notione (§. 5.) patet.

§. XXXII.

Enimuero extricanda hæc paullulum sunt ex ea, in qua adhuc constituuntur, confusione. Sumamus ex. gr.

C 2

ar-

arborem, per cuius contemplationem gradum perfectionis intellectus humani determinemus, aliosque maiores distincte quodammodo percipiamus. Ponamus oculum ita constitui in sublimi, ut directe opponatur furculo gemmis onusto. Cum partium minimarum, veluti gemmarum visio magis distincta sit in distantia breviori, quam longiori, minor tamen adsumi non possit quam octo pollicum: longitudo partis visæ erit digitorum sedecim: (§. 22.) quæ quam exigua totius arboris pars sit distinctius patebit, si singulos furculos atque ramos tam trunci, quam radicis, ipsumque etiam truncum secundum eandem rectam extendi cogitemus. Non adeo procera erit arbor, ubi octo digitorum longitudo vix millesima eius pars erit, in quam ex hypothese nostra integra arbor diuisa adparet. Vnde elucet, capacitatem intellectus hu-

## I

mani esse nonnisi 1000000000 seu particulam millesimam vnius myriadicæ illius qui integram arborem vno obtutu æque distincte comprehenderet, ac humanus exiguam quandam eius partem. Et hinc gradatim licet ascendere ad maiores capacitatis gradus, donec magnitudine perculsi in immensum intellectus diuini Oceanum præcipites demus.

## §. XXXIII.

Non licet hæc fusius persequi: properandum igitur est ad eorum considerationem, quæ ex successione rerum enascuntur. Omnia in uniuerso mutationi continuæ esse subiecta, experientia loquitur. Sol & fixæ per vasta admodum  
in-

interualla singulis momentis radios euibrant; quo ipso innumeræ ætheris particulæ variis celeritatis gradibus commouentur. Cum mens humana non nisi vnicam ætheris particulam ad motum concitatam distincte sibi queat repræsentare; intellectus vero diuinus singulas in omnibus momentis conceptibilibus per omnia systemata siue actualia, siue possibilium vno obtutu comprehendat: quod intellectus diuinus non vno infinitatis gradu humanum excedat, infinities euidentius nunc constat, quam ex superioribus. Sunt enim particulæ ætheris adeo exiguæ, vt vna earum nec qui-

I

dem 30000 minimi puluisculi nudo oculo discernibilis adæquet, quoniam nec per microscopium augens obiecta in ratione 30000 ad 1 (quale fuit illud *Eustachii Diuini* apud *Franciscum Tertium de Lanis* in magisterio naturæ & artis, tom. I. fol. 2. videri possunt. Quoniam itaque in eo spatio, quod minimus puluisculus nudo oculo ægre distinguendus occupat, ultra 30000 particulæ æthereæ locum habere possint, quam innumeræ earum in systemate planetario nostro, quod ex datis superioribus (§. 19.) 246547502750275786898349813333 miliarum cubicorum reperitur, existare debeant, quodammodo intelligitur. Tam stupendus autem numerus, quem distinctius exhibere calculi nimis prolixi tædia prohibent, in ratione numeri systematum actualium atque possibilium, hoc est, infinities augetur.

§. XXXIV.

Errones singulis momentis cum vi motus proprii, tum vi motus vertiginis partium situm erga singula cor-

C 3

pora

pora totalia actu mutant, & in systematibus possibilibus mutare intelliguntur. Intellectus humanus nonnisi unus planetæ distantiam in dato tempusculo vnico actu concipere valet a corpore vno. Quare cum diuinus omnium variationes posibles in omnibus momentis conceptibilibus vno actu distinguat, infinita perfectio, qua istum antecellit, denuo in apricum prodit.

### §. XXXV.

Quod si ad corpora partialia digrediamur, infinitus ille mutationum numerus, quem corpora totalia per infinita temporum interualla offerunt, in ratione numeri non modo omnium corporum partialium, tam actualium, quam possibilium, sed singularum etiam partium, quæ vel per optimum microscopium distingui possunt, multiplicatur.

### §. XXXVI.

Successiuorum numerus distinctius percipitur, si momenta temporis cogitemus, quæ nos a se inuicem discernere valemus. Discernuntur autem tempuscula ope mutationum in corpore quodam siue naturali, siue artificiali factorum: neque enim tempus est, nisi ordo successiuorum. Minimum eorum, quod horologium indicat, est scrupulum secundum, seu horæ pars 3600, quorum adeo integra dies est 86400, tempusculo propemodum æquale, quo vnicus arteriæ pulsus absoluitur. Cum  
nos



numerum omnium systematum possibilium multiplicaretur, quem maiorem esse, quam qui a nobis fingi queat, pro certo habemus: qui prodiret minor tamen foret, quam qui rationi diuini ad humanum determinandæ sufficeret: id quod tum ex præsentibus attento lectori adparet, tum ex mox sequentibus luculentius adhuc constabit.

### §. XXXVII.

Nimirum probe considerandum est, temporis scrupulum secundum haud quaquam esse minimum momentum, quod successiuis a se inuicem discernendis sufficiat. In Hist. Acad. Reg. Scientiarum anni 1711. num. 6. observationum ad Physicam generalem spectantium, p. 23 *Delisle* refert, se per microscopium obseruasse exiguum quoddam insectum, quod millies pedem mouerit intervallo vnius scrupuli secundi. Vi ergo eorum, quæ de natura temporis §. præc. dicta sunt, millesima tempusculi pars, quo vnius arteriæ pulsus absoluitur, adsignari potest: vt adeo hora in 3600000 partes adsignabiles a nobis diuidi posse extra omnem controuersiam ponatur. Quod si calculis probabilibus locum concedamus, numerus partium adsignabilium vnius horæ multo adhuc maior euadet. Nec superest dubium quin intellectus humano perfectior, nedum diuinus, partes temporis multo minores adsignare valeat.

### §. XXXVIII.

Eadem de spatio notanda sunt. Minimum, quod in calculis superioribus adsumimus, fuit sphaera diametri

tri







plendis vi naturæ existere possunt. Exemplo sit multiplicatio frumenti possibilis ex vnico granulo. *Dodartus* in commentariis Academiae Regiæ scientiarum a. 1700. p. 203. refert, se vidisse plures quam centum aristas ex vnico seminis granulo enatas. Dn. Præses, qui iteratis cum cura experimentis, veram huius causam detexit, ostensurus est alibi, vt plures quam centum aristæ ex quouis granulo educantur in naturæ potestate positum esse. Ponamus itaque in vna arista contineri grana nonnisi 20, etsi experientia non inuita liceret adsumere 40. Vnum ergo granulum vno anno producere valet 2000 vnde duobus annis 4000000; & hinc spatio 6000 annorum Ægyptiacorum numerus foret omnium grano-

2000 -- 2000,

rum 1999, quem numerum prorsus stupendum esse experietur, qui laborem calculi hic tantum indicati subire voluerit. Adparet adeo quam multa cognoscibilia intra sex mille annorum spatium vnicum suppeditet frumenti granulum, etiamsi non maior claritas & distinctio supponatur, quam est in cognitione humana. Huc spectam, quæ *Dodartus* loc. cit. p. 175. sqq. de multiplicatione corporum viuentium in fœcunditate plantarum expensa tradidit. Nec minus notatu digna occurrunt circa fœcunditatem animalium possibilem, præsertim piscium. Neque hic negligenda sunt, quæ iam supra de spatii ac temporis partibus minimis adsignabilibus adnotata sunt (§. 40.)

## §. XLIII.

Inprimis autem considerari meretur, quod in omni mundo tam actuali quam possibili, omnia sint inter se connexa cum spatii respectu, tum temporis. Si enim spatium spectes, vnum quodque corpus pendet a contiguitate aliorum: si tempus, vi naturæ status præsens rerum sequitur ex antecedente. Qui adeo adæquate minimum in vniuerso videt, is omnia videt in vno. Vnde iam constat, intellectum diuinum toties sibi exhibere vniuersum vnum quodque, quod in eo spatii ac temporis particulas discernibiles concipere licet: id quod & *Leibnitius* in præclaro *Theodiceæ* opere peruidit, etsi non probauerit.

## §. XLIV.

Hæc ad institutum nostrum sufficere arbitramur, vt adpareat, quomodo notiones perfectionum diuinarum per contemplationem naturæ clariores & distinctæ magis fieri possint. Quod si vero quidam hebetiores fuerint, quam vt veritates a nobis propositas capere valeant, eorum vnicuique suademus, (liceat enim nobis vti verbis *Kepleri* parumper immutatis, quibus ipse in simili casu vsus est in præfatione ad commentarium de motibus stellæ Martis,) „vt missa schola Philosophica, damnatis „etiam, si placet nostris & quibuscunque aliis Philo- „phorum placitis, suas res agat, oculisque quibus solis „videt, in hoc adspectabile cælum sublatis, toto pectore  
in

„in gratiarum actionem & laudes Dei conditoris effunda-  
 „tur, certus se non minorem Deo cultum præstare, quam  
 „Philosophum, cui Deus hoc dedit, vt mentis oculo per-  
 „spiciat, Nimirum ardor in culto Numinis non  
 „cognitionis claritati ac distinctiõni, sed eius certitudini,  
 „seu gradui conuictiõnis nostræ de perfectionibus diuinis  
 „proportionatur: idem tamen conuictiõnis gradus locum  
 „habere nequit penes acutiorem & hebetiorem, nisi  
 „is distinctius, quam hic perfectiones diui-  
 „nas cognouerit.

F I N I S.



D 3

Corol-

## Corollaria.

- I. Spatium non est ens reale absolutum, nec tamen idem cum corporibus, quod Cartesiani volunt.
- II. Omnium rerum triplex datur cognitio, historica, scientifica, mathematica, hæcque perfectissima omnium.
- III. Conuenientia cum sensu est obscurum & fallax criterium veritatis.
- IV. Fieri non potest, vt duo individua similia in natura existant.
- V. Colores corporum permanentes non debentur soli reflexioni, sed potissimum etiam refractioni: quod hætenus non attende-  
runt Physici.
- VI. Generatio animalium & plantarum non est nisi euolutio præexistentis organici.

Lectio.

## Lectori beneuolo.

**Q**Voniam hoc scriptum, typis de nouo impresum, A. MDCCXVII sub forma disputationis academicæ, respondente *Sigismundo Ferdinando Weismullero*, theologiæ nunc licentiato, in lucem prodiit: visum fuit *Illustris Dni. PROCANCELLARII* epistolam, tunc ad *respondentem* datam, simul subiungere; ut totus labor lectoris oculis subiiceretur.

**N**on vanum fuit consilium Virorum & eruditionis, & pietatis fama conspicuorum, qui Tibi Autores extiterunt, ut antequam ad litterarum sacrarum studium animum appelleres, in Mathesi atque Philosophia cum laude versareris. Mathesis enim, iudice *Melanchthone*, futuri Theologi iudicium acuit, eumque moderatum reddit, ne tum inopia iudicii, tum quia diserte nihil explicare potest, spargat aut defendat opiniones absurdas & confusaneas, ex quibus in Ecclesia magna certamina, magnæ dissensiones existunt, neque etiam cæco affectuum impetu abreptus dissentientibus bilem moueat, ut ira præpediti verum cernere non possint. Philosophiæ studium tum ad notiones distinctas perfectionum præsertim diuinarum atque officiorum nostrorum, siue erga DEum, siue erga homines prodest, tum etiam principia suppeditat, quibus in ipsa Theologia utaris, ubi ex dictis scripturæ conclusiones inferre decreueris, quæ ibi diserte non continentur: ut taceam, quod Philosophia opus sit ad profanorum hominum obiectiones amoliendas. Quantum in hisce studiis profeceris, publice nunc comprobare intendis. Probabunt Patroni institutum: DEus vero faxit, ut in itinere cœpto felix progrediaris. Vale. Dabam e Musæo meo d. 2. Aug. A. 1717.

— 143 — ) o ( — 143 —

*[Faint, illegible text, likely bleed-through from the reverse side of the page]*

*Aster. 588, 37*